

清·吳楚撰

吳氏醫驗錄



清·吳楚撰

吳氏醫驗錄



吳氏醫驗錄·解題

清·吳楚撰。成書於康熙二十二年（公元一六八三年）。

吳楚，字天士，號晚庵。歙西（今安徽歙縣）人。

此部分為該書蘭聚『十戒』與『卷首』，內容包括行醫必須遵循的戒律。以及對時醫選方用藥中的弊端、俗醫不學無術、輕忽人命的行為的批判。

今據清·康熙二十二年（公元一六八三年）刻本影印。

（王咪咪）

十戒

四

蘭家

一戒托名王道。古人用藥，無論輕劑峻劑，總以君臣佐使配合得宜者爲王道。若矜奇走險，于藥性相反而相爲用，以奏奇功，如甘艸甘逐同行之類，乃爲霸道。以其雖奏效于一時，而不可爲法于後世也。今人不知王道二字之鮮，但以藥性和平輕微無力者，推爲王道。服之，不效，則解之，曰王道無近功。至藥力峻重，君臣佐使配合得宜，實能起死回生，救危痾活人命者，反視爲霸道。

之甚矣如仲景醫聖也傷寒論一百一十三方其中非大發表即大攻裏非大苦寒即大辛熱非大瀉實即大補虛且一味數兩豈傷寒一書皆霸道乎何爲後世宗之不易也近以醫家不能認症恐藥味稍厚與病不對遂顯弊端以致失名失利故寧以輕緩不切之藥與之若輕病原不必服藥者服之而愈則遂任爲此藥之功若重病服之而死則曰此種藥豈能殺人又可謝爲非藥之過于是守爲秘訣又以是傳諸子師以是傳之弟但期保守身名無失厚利足矣豈曾一念夫人之性命

十戒

五

蘭藥

所繫非輕病之生死攸關甚重乎故今之所謂王道非謂其能生人也謂其能半籠俗服耳蓋輕飄之藥醫人可不用擔心病人又無所疑畏旁人執方又無可班駁更一醫視之又無從詆毀非之無可舉也刺之無可刺也孔聖所謂德之賊也向奈何尊之爲王道哉噫如是之謂王道竊恐病人甘鬼道矣此余之所痛戒也一戒選藥誤病醫人之視病當如明鏡之鑑形明鏡之在臺未嘗預存一形于其中也惟隨物赴形斯形無不肖故醫人亦不可預存一成見於胸中惟隨病施治隨症

十戒

六

蘭藥

用藥則藥之和平者可用藥之峻烈者亦可用總期于中病而止。緣醫家認症不真。又因繆氏經疏述藥性之過劣。遂不待見病用藥。先選藥以待病。不遵古法。不按古方。惟恐藥性與症不對。致服之不安。招人訾責。遂將氣味厚重有力者。盡同毒草。一概刪除不用。如六味丸補陰藥也。今則動云地黃滯膈。不可用。八味丸補陽藥也。今則動云桂附辛熱。不可用。補中益氣湯。氣虛下陷之要藥也。今則動云參芪助火。不可用。六君子湯。治脾虛生痰之聖藥也。今則動云白朮半夏性燥。不可用。卽至四物湯。乃養血之常藥也。又曰當歸辛溫。不可用。凡味厚有益人元氣者。盡皆不用。惟選極輕淡清降者。二十味。如石斛、百合、扁豆、二冬、二母、二皮、花粉、黑參、桑皮、白前、薤子之類。無論中風中痰。傷寒虛損。久困猝發之病。皆以此投之。初莫不謂和平無害也。而不知其大害存焉。以云補虛輔正。則如一線而挽千鈞之弔。以云瀉實攻邪。則如寸草而撞萬石之鐘。欲其弔之舉而鐘之鳴也。此必不得之數也。以故養癰爲患。使病輕者漸重病重者。顯死猶之治國者。初未嘗見其操办以屠民。

也然而大寇不爲民除大荒不爲民救釀成禍亂忍視死而不殺之殺深於殺也此余之所痛戒也

一戒。忒用寒涼甘溫之藥。如行春夏之令。生長萬物者也。

寒涼之藥。如行秋冬之令。肅殺萬物者也。故常服甘溫之味。則氣血充盈。日進寒涼之味。則氣血衰耗。前賢云。人身賴氣血以生。惟氣血充盈。則百邪莫禦。病安從來。氣血衰耗。則諸邪輻輳。百病叢集。可見司命者。當常以甘溫益人氣血。不可忒用寒涼。以耗人氣血。卽有大實大熱。當用苦寒。亦惟中病則已。不可過劑。病去之後。卽

十戒

七

蘭藥

須以甘溫培補。如國家不得已而用兵。平定之後。卽宜撫卹殘黎。休養元氣。若窮兵黷武。好戰不休。其國未有不亡者。奈何。近日醫家。語以溫補藥。則云不敢用。至于大苦大寒。如黃連苦參之類。則信手輕投。並不萌一不敢之念。豈其不敢於生養。而獨敢於肅殺。不敢使人氣血充盈。而獨敢使人氣血衰耗乎。推其故。有三焉。一則悞信六氣火居其二之說。而不得其解。一則認症不真。凡虛人偏覺火炎。內真寒者。外偏顯假熱。不能審其火之爲虛熱之爲假。但就外貌治之。故信手用清。似對症。

十戒

八

蘭藥

而實與症相反也。一則用清不見破綻。蓋溫補藥設一不當其弊立見。前賢所謂溫補藥如陽明君子苟有遇人必知之也。寒涼藥投之不當不卽見其害不惟不卽見其害初服反見其利如虛炎無津液口舌乾澀得清潤之味亦覺暫快一時信用不已遂至于元氣日削而不可救前賢所謂寒涼藥如陰柔小人至國祚已殽人猶莫知其非也。所以皆視溫補爲醜毒愛苦寒爲靈丹相習不覺傷命實多。姑就耳目所經見聞者屈指計之有停飲吐食反胃等症。因于火衰胃寒者日用黃連致

火益衰胃益寒粒米不能人而死者矣。有嘔傷虛炎日用花粉黑參知母黃柏致真元愈虛虛火愈炎則加黃連大苦寒以折之致肺絕失音胃敗泄瀉而死者矣。有吐血因於氣虛不能捍血亦用犀角黃連致氣愈不固血漸脫盡而死者矣。有三陰下痢慨以治熱痢之法治之。用黃連黃芩一劑而死者矣。有三陰久虛仍用柴胡鱉甲黃芩花粉而死者矣。有黃疸屬陰亦用山枝黃芩燈心黃連而死者矣。有脾虛腹脹反用黃連童便致脾衰不能進食氣衰便閉而死者矣。有中風脫症亦用牛

黃以引邪入裏。且用花粉黃芩黃連。重損其真氣而死
者矣。有鼓脹脈細。由命門火衰。不能上蒸脾土。直用黃
連苦參。滅其真火而死者矣。甚至有陰症似陽。用黃芩
湯致不可救。用石羔白虎湯而立死者矣。如此死者。非
死于命。死于藥也。亦既目擊心傷。不能徇徇往救。若猶
不自加警惕。倘偶一錯悞。傷在他人。孽在自已。此余時
刻凜凜倍加痛戒者也。

十戒

九

蘭藥

醫驗錄二集

卷首 破俗

七

晚香草堂

一俗說用藥宜輕浮○便于解手○嘗聞有自詡其得師之秘傳者○實此一法○若然則是名醫之傳人○單傳以認症不真○用藥不當○治病不效之法乎○此萬不可爲訓也○解手云者○明是用藥有誤矣○一回有誤○第二回解之○二回有誤○第三回解之○若再有誤○勢不得不更一醫○解之○在病之輕○而不至傷命者○猶可○虞爲更易○若猝中陰症○顛中虛脫等症○命在呼吸者○禁得幾回○更易幾回○解手乎○即使輕浮之藥○無害○然終不能起沉痾○救危命○反使因循○增劇名爲無害○而實有大害也○嗚呼○相傳

如此安望有入軒岐之域而登盧扁之堂者。醫道之衰。人生之不幸也。更可怪者。用補益之藥。則確遵輕浮之訓。不過百合石斛。麥粒扁豆之類。所用不過三五七分。猶之以髮懸鼎。至于用寒涼藥。偏又不顧性重味厚。黃芩黃連。石膏苦參等。項信手輕投。却如摧山倒海。使陰寒之症。立刻見殺。又無怪乎名醫傳授輕浮之法。猶爲緩于殺人之法也。

一俗說附子有毒。不可用。抑知凡攻病之藥。皆有。有毒不獨附子爲然。所以周禮。冬至日命採毒藥。以攻疾。內經有大毒治病。

醫驗錄二集

卷發俗

入

晚香草堂

常毒治病。小毒治病之論。扁鵲云。吾以毒藥活人。故各聞諸侯。古先聖賢。皆不諱一毒字。蓋無毒之品。不能攻病。惟有。毒。性者。乃能有大功。凡沉寒痼冷。及傷寒中陰等症。非附子不能驅陰回陽。故本草稱其有斬關奪將之能。有追覓奪鬼之功。正如大將軍臨陣赴敵。惟其有威猛之氣。有戰勝之勇。方能除寇亂靖地方。英民生安社稷。凡此等功。豈可責之文弱書生。及謙恭謹厚之人乎。今人不思附子有起死回生之功。而但因有毒二字。遂禁錮不用。使陰寒之症。無由復生。抑何。

忍也又何愚也且有病則病受之亦無餘性旁及作毒即使
有毒却能令人生有毒而生不勝于無毒而死乎况又如以
炮製之法盡去其毒矣而猶必兢兢以有毒爲戒則愚之至
矣余嘗親聞名醫自誇云吾行醫一世一般不會用一厘附
子吾屈指名醫行道五十餘年此五十餘年之中豈竟不會
遇一陰症傷寒乎若遇陰症傷寒而彼必不用一厘附子更
有何物可代何術能救此疾耶此其所以遇陰症亦云是火
宜以黃芩石羔竹葉等湯實如此并非推諉劑殺之比比而是歷歷可指也
此則真大毒也

醫驗錄二集

書被俗

九

晚香草堂

一俗說夏月忌用桂附辛熱等藥若是則治病用藥不必論症
只論四時可矣夏月天炎便用寒涼藥冬月天寒便用溫熱
藥春秋不寒不熱便用平和藥自古至今有是理乎且必夏
月絕無虛寒之人絕無陰寒之症然後可抑知夏月不但不
能無虛寒之人而中陰中寒之症在夏月偏多如正傷寒在
盛冬乃屬傳經陽症偏要用石羔大黃三承氣之類豈以冬
月天寒便當忌用寒涼耶若夏月本屬伏陰在內而人又多

食冷物多飲凉水或冷水洗浴或裸体食凉故中陰中寒之症夏月更多豈以夏月陰寒之症亦忌用溫熱以視其死耶在夏月瘧病兩症最多而此瘧病中亦多夾陰之症即當同傷寒陰症治法非溫補不能救而況乎直中陰經之症舍桂附更將奚恃乎弟人不能辨認故只知溫熱當忌耳豈知寒涼殺人易於反掌耶往往見治夾陰瘧病亦同治邪熱熱病法直以黃芩黃連大黃殺之遇中陰寒症不曰中暑便云受熱并不疑到陰症上所以直用白虎湯六一散香薷飲之類

醫驗錄二集

暑殺俗

十

晚香草堂

殺之彼既殺之而猶切切告人曰暑令忌用辛熱辛熱固當忌矣不知寒涼殺人亦當忌否

一俗說桂附灼陰不可用此說猶近似人皆遵信之然亦有辨未可槩以灼陰而禁之以誤人命也陰虛者畏灼矣陰不虛者亦畏灼乎陰虛而陽有餘者畏灼矣陰不虛而陽又不足者亦畏灼乎惟是陰虛而脈燥氣盛胃強善食者方可用純陰藥所謂壯水之主以制陽光不宜桂附姜朮等一派純陽溫燥之氣以灼其陰若陰雖虛而脈軟脾弱食少氣微者再

醫驗錄三集

卷破俗

土

晚香草堂

用純陰藥不惟孤陰不生且使滯膈損脾消削元氣須少加桂附子六味羣陰藥中使有一線陽光以濟其陰如一夫而御羣妾方成生育之道不惟不灼陰正所以生陰非欲加桂附以補陽正使桂附引陰藥以補陰況又非合薑朮等一派純陽溫燥之藥更何慮其灼陰乎然此猶爲陰虛者言也至于陰不虛而陽虛陽虛而陰相熾者卽謂之陰邪或爲陰水上泛溢于肌膚或爲陰濕生痰湧于胸脅或爲濁陰不降上干清道又或陰氣上攻不能歸元而作痛陰寒凝結不能運化而脹滿種種陰邪正須大劑溫補培腎陽以逐陰水燥脾土以除陰濕升清陽以降濁陰助命門以捫陰氣補土母以開陰凝總非桂附不爲功此桂附之在必用欲其消陰而不虞其灼陰者也所謂益火之源以消陰翳也何乃不知分辨概云桂附灼陰不可用於陰邪熾盛之症猶必畏而戒之此猶之嚴冬久雪而猶畏近日光裸體凍殭而猶戒勿衣絮也何弗思之甚也

一俗說治重病先須用藥探之方爲小胆細心愚謂此非小胆

也非細心也第無耳耳試看門前無目乞兒以竹棒戳地探塗路也捫牆摸壁探門戶也縱探知是路又不知甬旁是水是山前邊是坑是堖縱探着有門又不知是廟宇是住宅且不知是衙門是朱戶何如有目者一目了然既看得清又毫不費力何等爽快故治病而用探法再探不着卽探着亦探不清况從來重病最易哄人大實竊似虛大虛偏似實大寒偏似熱大熱偏似寒探着相似處必與真處相反再待探着真處而前之反藥已不可救矣此探之爲害也惟有目覺人

醫驗錄二集

書 破俗

士

晚香草堂

一眼覷定病之真情斷不爲似是而非之假病所眩惑卽于其真處斟酌審顧或大瀉實或大補虛一發中的使久病立效危病立安豈不直捷痛快何用東掏西摸作瞎子行徑若危急之症豈能待爾從容細探又豈堪一探不着復探幾次乎甚矣探之一字非良法也

俗說人有生來服不得參者此醫家誤人而人遂自誤也人參一草根耳亦一藥耳他藥皆草根樹皮未見有服不得者亦并未有服之而稍疑者至于參則未服先疑固有謂生來